

冷陁仙館詩餘文存



831038

人 令  
人 令  
人 令  
人 令

人 令  
人 令  
人 令  
人 令





冷 館

文 金

存 僊



詞爲樂府之遺興於隋盛於宋非諧音協律難爲詞咏  
黃鐘不可先商調商調不可與仙呂相出入此定法也  
至於體派則因性而成溫韋艷而促黃九精而刻長公  
麗而壯幼安辨而奇皆各擅一家之長不必拘體派而  
體派自成詞家相沿以來體派大畧有二一婉約一豪  
放大抵以婉約爲正取其不失詩人溫柔敦厚之旨也  
古之閨秀長於倚聲者惟李易安爲詞家所不逮巾幗  
中鮮能繼者太夫人之詞意在筆先聲叶字表如行雲  
卷舒流波跌宕良不易得緣其性情醞藉故能以婉約  
出之而又得玉田清空之旨不必從追琢中來自然流  
露無不合拍斯亦奇矣庚寅仲夏廖平謹序

冷吟仙館詩餘

序

一



冷吟仙館詩餘

清平樂

寄懷諸姊

揉紅翦翠春漾簾如水簾隙度香香欲醉香影被風篩  
碎 翠絲茸帽重幃銀屏界破愁圍長記別離時節江  
南草長鶯飛

憶仙姿

贈隣女

冷吟仙館詩餘

玉滴香渦紅靨犀管試描春色簫底好年華每到花時  
相憶相憶相憶深院月斜風寂  
錦字機邊紅女拾翠年時芳侶相送小蓮灣抱月飄烟  
無語無語無語暗織春愁如縷

菩薩蠻

秋閨

綠蕪偷長閒庭院簾波半窳銷香篆玉螯海棠絲紅香  
三兩枝 晚風垂絮去聲小遲 輕衫薄誰剪玉瓏玲竹  
聲鏗畫屏

天啓庚申  
西曆  
陽湖在錫嘉冰如  
書

月明如水虛廊靜玉繩低亞珠簾影庭院嫩涼天花枝  
瘦可憐 枕香紅印粉夢懶愁無準銀燭冷棋枰秋窗  
夜夜情

前調

春閨

曉燈明滅春寒重暗風吹破離人夢夢斷意闌珊淚珠  
和粉彈 鏡波寒漾綠對影空棖觸纖手折紅蘭怕簪  
雙鬢鬟

井闌曲曲梨花院羅幃疊疊和愁捲紫燕乍來雙棟風  
冷吟仙館詩餘

二

春晝長 暗塵吹隙影往事何堪省小步轉花叢啼鵲  
泣斷紅

憶秦娥

送三姊婉靜南歸

吳天遠雁飛殘月歸期緩歸期緩星河一角纖雲四捲  
幽蘭露浥紅芽短海棠無力煙絲軟煙絲軟池塘夢  
冷別離魂斷

滿江紅

感懷





情況

金縷曲

讀黃仲則先生兩當軒集卽題其竹眠詞後

開卷光芒放憶髫齡草堂侍坐早欽名望

先生與先大父同里至

交集中贈答最多

太白前身重入世依舊風流自賞便鶴立丰

姿無兩不道仙才遭物忌只青山一例深深葬坏土畔

碧蕪長

江南家在雲溪上想當年篝燈課子白頭情

況葛帔天涯歸骨後應有吟魂悄悄傍但風雨蘧廬無恙

知否孤絃音調澁共啼鴉夜月淒黃壤留鶴背笛聲響

冷吟仙館詩餘

四

蘇幕遮

苦雨

雨冥冥波瀾瀾積水空階隙地成芳沚尺素無由煩驛

使浪泛桃花目斷雙雙鯉翠簾垂紅粉膩瑣瑣飛花

點點離人淚吳水燕山家萬里夜夜思鄉夢在煙波裏

梧桐影

初夏二闋

柘葉濃蒲芽短天氣熟梅晴半陰吳蠶上箔將成繭

麥浪浮荷衣展風捲柳花零粉香青萍貼水隨波輦



拜新月

七夕

一縷雲纖三篙水淺月向花梢斜挂開了牽牛正新秋  
良夜問烏鵲記否填橋歲歲辛苦卻爲雙星催駕織就  
機絲抵相思詞吧 度金針女伴聯吟社但偷乞巧思  
誰多寡此際銀漢迢迢只玉繩低亞便今宵別緒從頭  
話知多少暗淚臨風灑料應省天上人閒總離愁難寫  
如夢令

秋思

冷吟仙館詩餘

五

蘭汁灑傾金甕未醉亂愁常擁涼夜看星河花裊露華  
愁重如夢如夢枝上月寒香凍

風漾綠波鱗起目送雙雙紅鯉南雁也無憑  
秋水千里千里夢裊白雲鄉裏

別後心情知否濃睡非關中酒丰骨太珊珊憔悴不殊  
秋柳消瘦消瘦長是翠眉低皺

瘦比黃花如許獨坐數殘更鼓夢懶思如雲歲月棄余  
何苦無語無語淚似隔簾秋雨

門掩翠環魚鎖繡幄香籠篝火蟲語怨清秋簾外紫桐

花鞦韆愁我愁我伴箇影兒深坐

綠意

對梅有感

風淒雪警想南枝正好故山春冷月又昏黃籬落橫斜  
分付暗香疎影天涯一笛吹愁墮莫悄把芳魂驚醒悵  
者番驛使遲來問訊綺窗誰省 回首鄉關劫火記曾  
聽鶴唳倍添悲哽便許重來看徧園林不是當時風景  
而今雲水相思闊那更惜玉闌孤凭且伴他淺醉閒吟  
索笑也應還肯

冷吟仙館詩餘

菩薩蠻

不寐

珍珠翠索流蘇帳翠衾麤枕愁相傍展轉不成眠飛花  
香滿天 欄干紅屈曲露滴娟娟竹螢火隔簾青錯疑  
燈一星

夜深默坐愁如海月華皎皎流光彩帶影下閒階涼花  
含露開 銅荷紅蠟淚漏轉渾無寐何處白雲峯悠然  
度遠鐘

涼颼瑟瑟蘆飛雪愁連一片關山月相對不勝情長空



雁字橫 井梧飄落葉蟲語鳴淒切此調叶清商做成  
今夜涼

曉星脉脉疑私語荷塘露漬香如許殘月下庭梧雲痕  
澹欲無 微波詞漫託寶鏡開妝閣妝罷自沈吟隔簾  
環珮聲

點絳脣

夢返江南

斜月三更薄幃夜捲西風冷半牀花影寂寂愁難醒

萬里關山付與紅蕤枕烽煙警音書偏梗夢越梅花嶺

冷吟仙館詩餘

七

城郭全非劫灰未燼蟲沙泣斷垣頽壁野火磷磷碧

安得機槍掃盡中原賊江南北幾行殘柳都是傷心色

梧桐影

春陰

荳蔻梢丁香結門掩落花深院深游絲蕩漾明還滅

翡翠環蕤鞋鎖飛絮入簾春已深閒花背客嬌無那

柳絮風梨花雪何處乳鳩三兩聲春愁喚上青青葉

燕翦長鶯梭短人靜綠窗花氣寒園亭付與癡雲管

一枝春

憶別

已恨宵長怎禁他隔巷疎砧敲碎桃笙乍薦無奈嫩涼  
如水鴛幃悄閉聽修竹譜成商吹憑一粟燈翦秋心絮  
盡別離滋味 依然擁衾無寐便蘭篝香燼蝶魂來未  
紅麩枕角溼透幾絲清淚三分酒病更拚抵十分憔悴  
還只怕英武驚寒喚人早起

重疊金

白紫薇

綠陰深處藏春色芳菲不借東風力花瓣太玲瓏問心

冷吟仙館詩餘

八

同不同 冷香裁月魄清影憐幽寂虛白照空明楚雲  
舒卷輕

臨江仙

白荷

仙骨珊珊湖上住天然水珮風裳不須濃抹靚時妝淩  
波微試步的的暗生香 月墮橫塘留粉本閒鷗夢亦  
清涼拚將心苦駐年芳但教參淨果甘老水雲鄉

一葉落

秋思



小院落秋陰薄夕陽一片畫欄角井梧已漸雕新涼誰  
先覺誰先覺滿眼西風惡

萬籟寂霜天碧月明滿地夜碇急雁飛紫塞遙相思無  
終極無終極夢破蛩吟壁

鳳凰臺上憶吹簫

隨外子之吉安府任途次感懷

薄宦相隨長征共賦儘多店月橋霜正曉雞纔唱又促  
行裝歸夢將成又破雲棧遠親舍何方悲遊子門闔白  
髮日暮還望茫茫乍經宦海從此便抽帆也怕瀾狂  
冷吟仙館詩餘

九

意難忘

寄懷諸姊妹

風雨黃昏正翦燈無語虛掩重門煙花縈旅思雲樹暗  
離魂裁錦字織迴文都付與紅鱗一任他萍踪聚散流  
水前因當年女伴如雲記同繡譜蘭麝氤氳蠶絲  
春理緒鴨火夜留溫吟綠芷咏青蘋閒卻了芳樽待異  
時看花節序莫厭來頻

菩薩蠻

秋閨

半塘玉露秋逾潔一簾風竹敲殘月人倚曲欄干瓊花  
壓兩鬢長空橫雁影人遠天涯近書寄一分愁蕭蕭  
蘆荻秋

芙蓉鏡裏花憔悴海棠雨蘸胭脂淚雲捲碧天長疎簾  
透薄涼紗窗籠夜火兀自凝愁坐玉珮戛東丁微吟  
偏耐聽

南浦

冷吟仙館詩餘

舟次滕王閣感賦

長江滾滾憶前唐高閣駕飛虹道是當年佳讌都督仰  
閻公記否玉鸞歌舞正西山雨歇畫簾櫳笑我來遲暮  
也思僥倖神助一帆風今日停橈煙渚嘆興亡無乃  
太匆匆只有江天孤鷺飛傍落霞紅爲問起騰蛟鳳更  
何人克繼舊詞宗只半潭秋影伴他漁火夢青楓

十二時

春思

紗窗幽窈低垂繡箔裙波微動春風獨無語怕驚他花



夢 玉顛釵頭雙翠鳳壓眉梢似嫌愁重年華數紅豆  
問相思誰種

雙雙燕

秋燕

一年過半正花底棲遲又逢秋社商量軟語欲別也應  
難捨閉煞風廊月榭更那覓當時王謝西風去忒匆匆  
海屋相思空惹 生怕淒涼客舍似倦羽低飛自春徂  
夏天涯人遠紅雨泪曾輕灑應待明年杏嫁許依舊雕  
梁棲借須知盼爾歸來肯把畫簾早下

冷吟仙館詩餘



十一

菩薩蠻

幽憤

天風吹破芙蓉鏡鏡花零落相思影秋水浸愁魂空餘  
血淚痕 孤燈淒欲斷素幔和愁卷金縷舊羅裳依稀  
鴛與鴦

蜀山一抹傷心碧迢迢親舍南雲隔頭白泣孤雛雙雙  
淚眼枯 問天天不語鍊石將安補月黑夜漫漫霜風  
刺骨寒

輕攜八口舟如葉傷心沒箇慈航接生死奈何天吟魂

應解憐 巫山雲作障 巴水風生浪 素旄阻危灘 白楊  
蕭寺寒

歸自詠

扶柩舟次巫峽 數灘年春 惹人面 蒼苔 蒼苔  
山豈岌 駭浪掀天 天地窄 峽聲倒捲 蛟龍泣 哀猿四  
嘯 驚魂魄 憑棺立 愁心一片 隨波急

杏花天

浴蠶

湔裙波蘸 薜蘿碧 冷雨釀新煙 寒食青桑 紫苞初坼  
冷吟仙館詩餘  
楊柳杏花巷陌 春陰重 啼鳩乍寂 纔上箔 潤餘芳澤  
蠶娘早賽 祈生色 縷縷情絲 繅出

採桑子

採桑

小家碧玉 無妝束 綠樹陰中 攜得筠籠 曲陌長堤 翦  
風 新條嫩葉 從頭選 纖手春 惹人面 花紅襟袖 歸來  
露氣濃

好時光

分箔



試看吳蠶眠起纔過了豔陽辰  
龍女者番光簇簇餘香細細薰  
此際須密省把翠箔及時分  
五色留住佳種護惜費殷勤

一落索

上簇

計取三眠時候困如烟  
柳神祠只祀馬頭娘  
疊鼓聲聲又滿腹  
絲綸拋負苦心知  
否白茅碧篠總無聊  
緣底事徵休咎

滴滴金

冷吟仙館詩餘

下繭

番風廿四尋常過  
石泉新取槐火密密情絲  
身自裏悔相思偏左  
繅盆一一都安妥  
喜盈筐免租課如此辛勤  
總無那算愁煎惟我

金縷曲

宵紡

繅盡絲千尺  
恁殷勤分經布緯  
七襄雲織錦上易翻新  
花樣依舊愁深似昔  
看雪練濤飛盈匹  
軋軋聲中悲聲婦背篝燈  
自掩殘宵泣心緒苦暗蟲識  
秋閨我亦傷

心極坐深更寒侵十指幾曾拋得舊夢春明淒迷處空  
對霜天月白便霧縠煙綃誰惜宛轉離腸迴不盡課孤  
兒夜讀鳴機側無一語淚霑臆

雙調望江南

本意

懷故土鎮日望江南簾押春深紅雨亂鏡匿秋冷綠波  
涵幽思繞煙嵐懷故土烽火劫誰堪鄉夢不離新病  
枕啼痕都滿舊吟衫雁影逐歸帆

海棠春

冷吟仙館詩餘

西

秋海棠

是誰留下相思種睡未足喚回秋夢莫是倩魂銷瘦怯  
西風重嬌啼的的檀心痛問翠袖倚闌誰共滿地葬  
燕支露溼苔衣縫

雨中花慢

孤雁

水國秋深關山月落孤飛杳杳冥冥况風高木杪煙冷  
蘆汀異地悲涼已極故鄉消息何憑江城砧杵塞垣笳  
角無此淒清棲遲何處惆悵當年空解脈脈惺惺休



再說天涯隻影烽火曾經別緒拋原不得吟魂喚也難  
醒誰憐寒杼較他長笛添倍傷情

### 憶舊游

寒夜呈湯年伯母陳季婉潘太夫人趙悟蓮

聽鶯颺四起木葉蕭騷譜出清商碧月愁無語任鳴機  
軋軋篝火星涼衆雛此時眠也爭奈夜更長怕計算來  
朝塵封甌冷沒箇商量  傍徨孰憐我但醒枕低徊啼  
碎寒蛩幸有蘭閨伴向天涯傳訊差慰離腸舊事不堪  
重省贏得滿頭霜只獨立空庭伶俜顧影神黯傷

### 冷吟仙館詩餘

五

### 海棠春

### 本意

錦城二月花如許夢乍醒春陰壓住莫放海棠顛嫋嫋  
籠香霧  紫棉薄薄紅絲縷向午夜燒殘蠟炬一味睡  
恹恹簾捲絲絲雨

### 菩薩蠻

### 柳絮

滿庭斜日晴煙澹瓊瑤不借臙脂染香影一團團還疑  
春雪看  簾旌低拂處春也難留住浪跡苦風塵隨波

欲化萍

滿江紅

涼夜

兩雨風風偏又近重陽時節更愁聽寒蛩低訴者般淒  
切一味清涼詩骨瘦百端交集愁腸結且料量刀尺夜  
鐙前頭如雪人去也音書絕秋去也芳華歇只傷今  
弔古待和誰說似我春蠶絲上箔惱他風馬簷敲鐵况  
商聲一夕戰庭柯身如葉

謁金門

冷吟仙館詩餘

幽怨

去

愁夢醒月碎一庭花影星斗滿天霜氣冷暗蛩啼露井  
望斷青鸞芳訊十載空懸孤鏡帶得三分秋後病背  
鏡蓮漏永

望遠行第六體

蜀國懷古

繁華錦繡今何處玉壘珠江依舊浣花人去折柳橋橫  
只剩斷碑殘螿怕聽鶉聲啼破一場春夢都付綠稀紅  
瘦對西山憑弔春歸時候知否王孟故宮零落便殿



宇盡成溪阜拾翠錦江踏青綺陌誰貫卓文君酒還幸  
芙蓉屏障海棠香國留得斜陽亭埃但雲低天暮何堪  
回首

點絳脣

寒夜諸女刺繡

一粟寒燈五紋刺繡添金線鈿蟬釵燕幸結蘭閨伴

指冷於冰着手成花片更兒轉唾絨吹罷顏色評深淺

蝶戀花

題胡蝶落花圖

冷吟仙館詩餘

七

借問東風春幾許芳草天涯一霎飄紅雨怪底鶯聲啼  
不住翩翩鳳子來何處 南朝剩粉銷金縷瘦到纖腰  
畫也難描取說著遊仙應羨汝年年夢繞羅浮路

解花語

寒夜自製通草花感而有作

光陰草草世界花花何處幽懷寫數椽鴛瓦霜華重課

子一鐙初地機聲軋軋

作去

只贏得淚珠盈把誰爲憐生

計難拋翦絲消長夜 休說寒閨韻雅甚天然工巧奚

辨真假葉攢花亞檀心苦宛轉細薰蘭麝并刀試乍並

不向東風輕借待賣來深巷明朝增洛陽聲價

滿江紅

浣花草堂

憑弔蒼茫衰草外夕陽殘埃空留得浣花詩老草堂依舊幕府十年棲息強兵戈滿地倉皇走只鄉愁併入蜀鵑啼頻搔首花徑外春星瘦茅屋底秋風吼歎詞人飄泊古今誰偶憂國文章知己淚倦遊身世成都酒甚而今景仰說詩王君知否

雙頭蓮

冷吟仙館詩餘

並蒂白蓮

大

拋盡明珠聽乍歇吳歌碧天無際花開並蒂正白雨纔過紅妝如洗似此織就雲裳隔重重煙水鸞鏡底玉立亭亭鴛鴦料諳情味皎皎不染汗泥試凌波剗襪香塵微起銀塘月墜料此際儘許箇儂雙倚爲問一捻冰魂者夜涼知未但賸有宛轉情絲纏綿自理

滿江紅

答蕭太夫人宗婉生

月杵霜碓覺風送聲來庭樹方夜坐一偏低首燭花新



吐迢遞雲中勞驛使殷勤天末傳魚素乍開槭細細讀  
從頭更三鼓 珠璣字琅玕句抵多少離情緒歎天涯  
霜鬢一般茶苦君有瓊貽音入妙我慙瓦奏心先許算  
閨中知己淚尤多紛如雨

桃園憶故人

寄趙佩芸趙悟蓮

重衾夢冷流蘇帳一夜梅花都放別後相思情況畢竟  
和誰講 雁聲斜掠南樓上知否天涯悵悵十二闌干  
無恙夜夜吟魂傍

冷吟仙館詩餘

重壘金

壬午夏送岷兒入都秋試至寶店遇雨

一鞭斜指西風雨溼煙濃鎖村邊樹茅店卸征鞍草蟲  
驚乍寒 鳥歌泥滑滑山翠濃如抹遠道思綿綿長安  
何處邊

簾內殘缸簾外月鄉情客思都淒切饑鼠暗窺人夢兒  
成未成 琴書還伴我兀自中宵坐瘦馬嚙空槽壯心  
千里遙

前調

骨肉親誼廿載重逢京華小住將歸定署離懷各  
悵因調數闕藉以誌別

匆匆二十年前別蜀山何處鶻啼血燕市忽重逢悲歡  
疑夢中 流光驚電掣贏得頭如雪骨肉歎飄零問天

天不鷹

已未別後象如科芝兩弟相繼而逝二弟媳猶居都門

涵秋閣上今宵月當年記得題桐葉

昔四姊畹香寓閣左子與五姊芙江

常相過從並和落葉諸篇

月尙缺時多人生當奈何 藤延虬篆古

葡萄一架

花月更新主

此宅昔暉次山舅氏所居今繆仲英舅氏居此余與仲英舅氏

在蜀相識頗承關愛表弟媳莊瑩如親如手足庚歲泣別意難重逢不意都門握手

冷吟仙館詩餘

三

捻花開笑顏

余在蜀以通草花生色瑩如愛而效之今相見各以花贈

一燈相對悲疇昔寒蟬絮盡苔岑碧秋月竟重圓幾回

攜手看

中秋同四姊玩月

殷勤還寄語莫種相思樹珍重再

來緣相看各黯然

匆匆小住匆匆去臨歧脉脉偏無語果否學忘情丁甯

訂後盟 加餐須努力魚雁傳消息驛路繞秋山白雲

紅樹閒

金縷曲

李蓉初二姊函訊近况以此代簡



未了三生債算天涯別離情緒最無聊賴鏡裏年華容易老青鬢絲絲暗改悵缺月圓時能再獨我孤燈偃影瘦聽哀鴻聲斷長空外欹枕想夜如海年來貧病都堪耐只難堪參差骨肉夢沈關塞隔歲歸期今未準知否妝樓久待幸入手魚書先拆上滿腹相思還細剖讀從頭乍展愁眉黛翻喜極泪珠灑

鳳凰臺上憶吹簫

由都返晉作函寄懷都中姊妹

天遣悲歡地經離合黯然魂已都消記藕花生日昨歲冷吟仙館詩餘

三

今朝一覺春明好夢涵秋閣翠聳晴郊留虛座招雲欸月酒罈詩瓢迢迢者番判袂長笛裏關山木落風高悔不應輕別結想徒勞縱有魚箋雁帛那當得同話涼宵涼宵永空餘淚珠濕透鮫綃

如夢令

胡蝶

春漾游絲庭院薄翼香黏花片瘦影乞誰憐簾底女郎窺見窺見窺見飛上畫羅團扇

門閉西園芳草栩栩不離闌角上何處是羅浮一縷夢

魂飄渺休惱休惱滿地落紅誰掃

東風齊着力

紅石榴

細葉新攢繁花初放看碧成朱蒂凝蜜蠟皺瓣蹙珊瑚  
照眼疑然野火明霞燦曉旭晴初池塘外燕支點染如  
煞芙蓉 西極降丹珠風露夜阿誰綴遍瑛瑤美人對  
立豔絕想裙裾省識黃昏月下芳心鬱料也難舒凝思  
處臨風舞態慵倩人扶

鳳凰臺上憶吹簫

冷吟仙館詩餘

題宗婉生夢湘樓詩集

三

好句如仙新聲絕妙碧雲吹斷參差把滿腔幽怨寫出

蘭思天與生花雙管紗幔設韋母堪師夫人曾設帳  
課女子弟空

贏得篝燈一粟霜鬢千絲 遲遲雁書遠闊搔首問雲

天握手何時况茹冰含蘂各有孤兒同向并州聽鼓琴

堂靜合補笙詩笙詩外從今又添唱和新詞

金縷曲

讀周石君太守倚月樓合稿詞清意婉欽仰曷深

嘉未識宮商素難合拍感今念昔不免悵懷勉



力倚聲猶懷錯謬耳

快讀蒼漁藁問君家當年笛譜賞音多少百尺樓頭明月滿緣底泪痕雙照料別恨天涯曾抱卻羨清才兼福慧有聲聲琴瑟賡同調餘韻歇畫梁繞 論交兩世苔

岑好怕重提東華聯巷雪泥留爪

昔與先夫同官都門相隔數武時相往還

素稱莫逆

廿載滄桑增感觸知否杜鵑啼老奈老尙風塵潦

倒儻念故人猶有子勉循良最待三年報應許跨阿翁

竈

冷吟仙館詩餘

三

成都

胡 延校

男

光煦敬刊

冷吟仙館文存

讚

陽湖左錫嘉冰如

皇清追贈太僕寺卿銜江西吉安府知府曾君像讚

蠶叢井絡江源出馬禮殿石室代有名賢維我夫子挺  
然崛起川嶽降英揚馬之里幼而岐嶷早識之無承歡  
繞膝克慰勤劬長益孝謹至性是秉親有疾病寢不安  
枕君有二昆友誼夙敦孔梨有讓姜被同溫君先兩娶  
雞鳴戒旦惜不永年琴絃屢斷家世業農菽水以供耕  
不廢讀學足三冬早歲游庠文譽以起精勤不懈激揚  
冷吟仙館文存

一

文史乙未之歲爰舉於鄉亦越十年貢升明堂試於

殿廷觀政民部興利剔弊用饒

天府從公昕夕郎曹荐登三載殿最上考特膺

簡任吉州一麾出守下車伊始民安物阜恪守清白禁

絕苞苴門可羅雀庭有懸魚爲政一年頌聲翕作召父

杜母民今有託詎謂粵逆突犯我疆墮池屢陷其勢方

張兵匱饜乏空卷莫擊一死匪難要求卻敵親赴鄉曲

召募民兵一呼四應旋復郡城往返爲期不出三日公

論在人功可償失大吏不察遠被糾參仕本畏途引退



自甘西望峨眉二老猶健欲賦遂初捧卮以獻道路未  
靖行有戒心僚友促駕報國及今曾公督師委以參佐  
偏師建旄賊鋒屢挫牘陳大帥錄及微功中或尼之難  
達

天聰感受風露忽遭二豎醫禱無靈傷哉千古憶妾歸  
君十有二年三男五女穉弱堪憐聞君寢疾摧傷肺腑  
聞君去世血淚如雨奉君之靈遠涉大江君前守吉暫  
厝此邦二親聞之何如於邑子女瑩瑩何以成立宗族  
賴君推食解衣戚黨賴君調寒恤饑下逮臧獲感恩流  
涕星馬四散何以爲計君今往矣妾復何生顧念後事  
肩任匪輕烽煙稍息還君故土爲君營葬以封以樹魂  
兮有知俟我九泉空撫遺像如何昊天

序

曾氏譜序

曾氏出黃帝繼公孫姓至禹別爲妣氏傳少康曲烈始封郟後世子巫仕魯去邑爲曾巫後四世是爲宗聖宗聖以來歷今七十餘傳譜牒昭著魯粵江蜀散處四方千柯萬條咸出一本可謂盛矣自我祖冠萬公入蜀後歷今百餘年子孫繁衍譜久未續應再修葺茲特循其舊而綴列之以示後來禮曰敬宗莫大於收族譜錄者收族之義也是爲序

冷吟仙館文存



墓誌

皇清追贈太僕寺卿銜江西吉安府知府曾君墓誌銘  
嗚呼此我夫子之墓也君歿後家室轉徙十有八年今  
始得一畝地葬君故鄉欲爲狀乞當代大人先生彰君  
行事而握筆追思零淚如雨狀久不克成嘉今年益衰  
病恐遂奄忽使君堅志苦心不垂於家乘嘉之罪也竊  
附私謚康惠之義就所能言者而表之

君諱詠字永言號吟村成都華陽人也武城之裔遷於  
西江有元中葉轉徙長樂

冷吟仙館文存

四

國朝康熙閒始居華陽遂爲縣人焉祖諱惠超父諱秀  
英以君官

封中議大夫祖母氏黃繼祖母氏張母氏劉

封淑人君生而聰明長而孝友家世業農十餘歲猶隨  
父母耕作田閒年十四始發憤爲學日仍代父秉耒耜  
夜乃讀書孜孜不倦稍壯能文道光乙未春補弟子員  
秋舉於鄉益潛心經史以已意條繫之著讀史隨筆若  
千卷復治毛詩論語孝經於漢宋諸儒解說皆洞達其  
得失凡所攷訂撰述日數千言每言爲學之要訓誥明

義理顯爲人之要律已嚴責人寬庶近道乎甲辰成進士官戶部主事歷轉郎中時有權貴轄戶部嘗遣人風示欲君出其門君徐曰詠起家畎畝未聞枉道求富貴言者逡巡去居戶部不受外饋不徇人私十四年如一日咸豐八年京察一等

記名以道府用九年奉

旨驗漕津門事竣授江西吉安府知府臨行辭長官權貴復示意欲通內外消息君若不喻近君者履君足君色不變他顧終不置一辭時人駭怪君夷然也既至吉

冷吟仙館文存

五

安郡城四遭淪陷瓦礫塞通衢存者惟敗堞數堵而已君至築城完廩見白骨遍野淒然流涕出資命四廳收葬之大府札君設釐局君上書言百姓流離瘠苦商賈不至若復剝之民將何堪郡人讀其書皆泣下局不果設君乃撫民教士俾營耕桑爲保聚計民以有賴十一年春粵寇復犯郡君登陴固守寇再攻莫破圍益急數馳檄告大府命將來援爲將者李金暘號衝天炮與吉安陸參將得勝皆降賊隸營伍者也陰與寇通至郡索金帛君以創痍之民不堪腴削乃出俸金子之李僞出



陣還言寇張甚徒守不能遏請府縣督團兵出城設伏  
合擊之寇必遁君出督團兵陸遂開城迎寇入李從之  
君聞變拔刀自刎軍民泣阻不得死復投水衆出之泣  
曰公死吾輩將安歸死無益不如戰也戰而勝公之心  
白矣不勝吾輩將隨公死不敢辭君乃強起選練勇五  
百人遣健者闌入城夜焚火藥局寇驚譁君乘亂撓之  
寇遁君收城而陸李反飛書報捷得懋賞君被議落職  
懷慚無愠旣而陸李事洩皆伏誅時節相曾文正公督  
兩江軍知君賢馳檄調君而吉郡士民上書乞留大府  
亦以善後事相委文正復手書敦迫君始往隨霆軍剿  
賊奏功復原官尋歿於太平軍次照軍營病故例

冷吟仙館文存

六

優卹贈太僕寺卿銜廕一子知縣君長身玉立須鬣巒  
然眉目閒秀氣鬱發面有風稜天性純篤直廉勤樸毀  
譽無加損生平嗜書手鈔書積數篋惜並所著書皆焚  
於兵君生於嘉慶十八年九月初三日卒於同治元年  
閏八月初二日享年五十原聘鍾氏未娶卒繼娶張氏  
淡氏均無出撫君弟之子光禧爲長嘉最後適君生三  
子光禧候選府經歷以知縣升用次子光煦廕知縣三

光岷縣學生四光文女六人長適新都劉必帥早寡次  
適陽湖袁學昌次適南充林尙辰次適銅梁吳鍾瀛次  
適漢州張祥齡次適新都魏光瀛方君之抱疾

嘉

聞信

奔赴鄱陽阻風迨過湖而君凶耗至遺屬云父母在堂

願卿歸侍返柩非敢望可殯吉郡俟兒輩成立再扶柩

歸葬嗚呼痛哉君骨不歸

嘉

無挈兒女獨歸理顧此噉

噉者旅食異鄉親戚隔絕門戶孤子會以窮困死否則

以憂傷死且如舅姑何也越明年扶柩溯江西上閒關

險阻僅乃得達灑涕作孤舟入蜀圖函告四方親友以

冷吟仙館文存

七

君之櫬歸仗君之靈事舅姑先後卽世葬祭如禮四子

長大以婚以宦女六人各適其家有男女孫六人嗚呼

嘉

之責其稍寬乎茲於光緒六年三月初八日以禮葬

君於成都城北石湔缺之陽悲夫重泉永閔同穴何年

緬懿行於生平悃弗彰於後世敢鐫貞石用誌不朽銘

曰

矯矯忠貞時惟我君崇道茂學懿孝篤親農曹守職剛

正不阿爰及臨民政以惠和狂寇憑陵客將詭變義氣

所激孤城再奠從師南征復奮其功王事憂勤卒瘁厥



躬我

皇寵終遺贈優隆蔭及後嗣光被無窮靈谷千秋寒松  
十圍勒銘幽宮永懷盡徽

冷吟仙館文存

八

堦  
林尙辰校  
男  
光煦敬刊

